



Broj: 04-40-1-359/22
Sarajevo, 26.12.2022. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 23.12.2022. do 08:30 sati 26.12.2022. godine

Dana, 23.12.2022. godine, uslijed povećanog zagađenja zraka, kao i prognoziranih vremenskih prilika, Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo je, na prijedlog Stručnog tijela, proglasilo epizodu “Upozorenje” za područje općina Stari Grad, Centar, Novi Grad, Novo Sarajevo, Ilidža, te Vogošća i Ilijaš. Na području općine Hadžići na snazi ostaje epizoda "Pripravnost".

Kantonalni operativni centar civilne zaštite je dana, 24.12.2022. godine u 11:47 sati primio informaciju od Policijske stanice Ilijaš, da je na području njihove općine nestala jedna ženska osoba, rođena 1981. godine, te da traže pomoć Gorskog službe spašavanja. Dežurni u Kantonalnom operativnom centru civilne zaštite je odmah obavijestio direktora Kantonalne uprave civilne zaštite Kantona Sarajevo i njegovog pomoćnika za mjere zaštite i spašavanja. Po nalogu direktora Kantonalne uprave civilne zaštite Kantona Sarajevo, prenijeta je informacija rukovodiocu Služba za spašavanje iz lavina, potrage i spašavanje na vodi i pod vodom koja je formirana u Gorskoj službi spašavanja Kantona Sarajevo (u daljnjem tekstu: Služba) da on procjeni da li u konkretnom slučaju može anagžovati pripadnike Službe da izađu na teren i obave potrebna izviđanja terena i obave razgovor sa porodicom nestale osobe, kako bi se prikupili neophodni podaci za procjenu daljnjeg angažmana Službe na potragi za nestalom osobom. U skladu s navedenim rukovodilac Službe, angažovao je dva pripadnika Službe koji su izašli na teren, obavili potrebna izviđanja i razgovor sa porodicom, te na osnovu prikupljenih informacija procijenili da se pripadnici Službe u koordinaciji sa pripadnicima PS Ilijaš mogu angažovati na potragi za nestalom osobom dana, 25.12.2022. godine. Akcija potrage za nestalom osobom je krenula u ranim jutarnjim satima 25. decembar, u koju su bili angažovana tri čamca sa po četiri pripadnika Službe i dva tima na obali, ukupno 30 pripadnika Službe.

Akcija potrage i spašavanja za nestalom osobom završena je isti dan u 16:15 sati, a nestala osoba nije pronađena.

Kantonalni operativni centar civilne zaštite je dana, 25.12.2022. godine u 17:11 sati primio informaciju od strane građanina da se jedna muška osoba, strani državljanin, izgubio na širem lokalitetu Skakavca, te da traži pomoć Gorske službe spašavanja. Dežurni u Kantonalmom operativnom centru civilne zaštite odmah je obavijestio direktora Kantonalne uprave civilne zaštite Kantona Sarajevo i njegovog pomoćnika za mjere zaštite i spašavanja. Po nalogu direktora Kantonalne uprave civilne zaštite Kantona Sarajevo, u skladu sa propisanim procedurama angažovana je Služba za spašavanje iz lavina, potrage i spašavanje na vodi i pod vodom koja je formirana u Gorskoj službi spašavanja stanici Sarajevo, čija su dva tima sa po 10 spasioca odmah izašli na lokalitet gdje se osoba izgubila. Pripadnici navedene Službe su u 18:20 sati uspješno locirali i pronašli izgublenu osobu, te ustanovili da ista nema povreda i da je dobrog zdravstvenog stanja. Pronađene osobe je odbila da se preveze u hitnu medicinsku pomoć na pregled, te je predata porodici. Akcija potrage i spašavanja je završena u 18:48 sati.

U izvještajnom periodu Kantonalni operativni centar civilne zaštite primio je jednu informaciju o pronalasku NUS-a i to dana, 25.12.2022. godine u 15:55 sati od Policijske stanice Hadžići, da je u ul. Drozgotmetva br. 172., pronađena jedna ručna bomba.

O primljenoj informaciji obaviješteni su pripadnici Tima za UES Federalne uprave civilne zaštite, koji će navedeno neeksplozirano ubojno sredstvo ukloniti u narednom periodu.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo imali su 15 manjih intervencija i to: tri na gašenje zapaljenih dimnjaka, sedam na gašenje zapaljenog smeća u kontejneru, jednu na gašenje zapaljenih elektroinstalacija, jedan izlazak na lice mjesta po dojavi da se u autobusu pojavio dim i tri tehničke intervencije (jedna na otvaranju vrata stana i dvije asistencije policiji nakon saobraćajnih udesa).

NAPOMENA: U protekla 24 sata pripadnici Profesionalne vatrogasne jedinice Kantonalne uprave civilne zaštite Kantona Sarajevo imali su četiri manje intervencije i to: dvije na gašenje smeća u kontejneru, jednu na gašenje zapaljenog dimnjaka i jednu na gašenje zapaljenih elektroinstalacija

Iz općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave iznosila je 3°C, vlažnost zraka 98%, barometarski pritisak 948 hPa.

BIHAMK: Saobraćaj se na području Kantona Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a